



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 10 май, № 95 (7053)

Пайшанба

Сайтимизга ўтиш учун QR-кодни телефонингиз орқали сканер қилинг.



«СИЗЛАРНИНГ БУГУН ОРАМИЗДА МАНА ШУНДАЙ НУРОНИЙ БЎЛИБ, ДУОГЎЙ БЎЛИБ ЮРИШЛАРИНГИЗ БИЗ УЧУН, АЛБАТТА, КАТТА БАХТ, КАТТА ДАВЛАТДИР»



Пойтахтимизда 9 май — Хотира ва Кадрлаш куни ҳамда Иккинчи жаҳон урушида қозонилган буюк Ғалабанинг 73 йиллигига бағишланган байрам тантаналари бўлиб ўтди.

Давлатимиз раҳбарининг 2018 йил 16 апрелда имзоланган “Иккинчи жаҳон уруши қатнашчиларини рағбатлантириш тўғрисида”ги Фармони ҳамда “Хотира ва Кадрлаш кунига тайёргарлик кўриш ва уни ўтказиш чора-тадбирлари тўғрисида”ги қарорига биноан, юртимизда ушбу сана кўтаринки тарзда нишонланмоқда.

Бир неча кундирки, юртимиз бўйлаб мазкур сана билан боғлиқ турли маросимлар уюштирилди. Гулдек ёшлик йилларини оловли ўчоқларда ўтказган Иккинчи жаҳон уруши қатнашчилари билан учрашувлар ташкил қилинди. Маданият ҳамда истироҳат боғларида, майдонларда, метро бекатларида уруш йиллари қўшиқлари янгради. Махсус парад ва ҳарбий техникалар намойиши халқимиз томонидан катта қувонч билан кутиб олинди.

Мамлакатимизда 9 май — Хотира ва Кадрлаш куни кенг нишонланмоқда. Тошкент шаҳрида бўлиб ўтган байрам тадбирларида Президент Шавкат Мирзиёев иштирок этди.

Ўзбекистон Республикаси Президентининг расмий веб-сайти — president.uz орқали олинган маълумотларга кўра, давлатимиз раҳбари дастлаб Хотира майдонида таширф бўуриб, Мотамсаро она ҳайкали пойига гулчамбар қўйди. Иккинчи жаҳон урушида жон фидо қилган юртдошларимиз хотирасига ҳурмат бажо келтирди.

Номи юқорида зикр этилган

ҳужжатларга мувофиқ, Иккинчи жаҳон уруши қатнашчилари ҳамда ногиронларига Ўзбекистон Республикаси Президенти номидан мукофотлар топширилди. Уларнинг ўзлари жанг қилган мамлакатларга бориб-келиши, санаторийларда бепул дам олиши учун шароит яратилди. Иккинчи жаҳон уруши ва фронт ортида меҳнат қилган фахрийларга, мустақиллик йилларида халок бўлган ҳарбий хизматчилар ҳамда ҳуқуқни муҳофаза этиш органлари ходимларининг оила аъзоларига моддий ва маънавий ёрдам кўрсатилди.

Асосий тантаналар пойтахтимиздаги Ботаника боғида бўлиб ўтди. “Ўзбекистон 24” ҳамда бошқа расмий каналлар орқали тўғридан-тўғри эфирга узатилган тантаналардан илҳомланиб, биз ҳам бевосита ушбу репортажни тайёрладик.

Тадбирда Қорақалпоғистон Республикаси ва вилоятлардан уруш ҳамда меҳнат фахрийлари, давлат ва жамоат ташкилотлари мутасаддилари, мамлакатимизда акредитациядан ўтган хорижий дипломатик корпус вакиллари қатнашди.

Боғ байрамона безатилган. Саҳна ортидаги монитorda халқимизнинг уруш даврида кўрсатган матонати ҳамда жасорати, ёвқур ўғонларининг милсоти қаҳрамонликлари акс этган лавҳалар намойиш қилинади. Мардлик, озод Ватан, тинчлик тараннум этилган шiorлар-

дан юраклар жунбушга келади.

Боғ йўлаклариди 1941 — 1945 йиллардаги муҳит акс этган. Қўмондонлик штаби, окоп ва блиндажлар, тиббиёт пункти, дала ошхонаси қурилган, Иккинчи жаҳон уруши давридаги ҳарбий техникалар, қурол-аслаҳалар намуналари жойлаштирилган. Катта павильонда 30 тоннадан 46 тоннагача бўлган танклар турибди. Жанг майдонларида аскарларимиз кўрсатган мардлик ҳамда жасорат, урушдан қайтмаган минглаб юртдошларимизнинг муқаддас хотираси, ота-боболаримизнинг фронт орти меҳнат фаолияти акс этган.

Президентимиз ушбу масканга таширф буюриб, уруш йилларидаги экспонатларни кўздан кечирди. Иккинчи жаҳон уруши йилларида мазкур қурол-аслаҳалардан фойдаланилган. Баҳаво, салқин ушбу жойда кексаларга юксак ҳурмат ва иззат кўрсатилди. Давлатимиз раҳбари бу ерда яратилган шарт-шароитлар билан яқиндан танишди. Иккинчи жаҳон уруши қатнашчиларининг ҳар бири билан кўришди, дилдан сўхбатлашди.

Сўз Ўзбекистон Республикаси Президенти Шавкат Мирзиёевга берилди.

(Давоми 2-бетда).



Ўзбекистон Республикаси
Президенти Матбуот хизмати
сурати.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ 9 МАЙ – ХОТИРА ВА ҚАДРЛАШ КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, азиз юртдошлар! Мухтарам фахрийлар! Ҳурматли меҳмонлар!

Бугун жонажон Ватанимизда 9 май — Хотира ва Кадрлаш куни, Иккинчи жаҳон урушида қозонилган буюк Ғалабанинг 73 йиллиги кенг нишонланмоқда.

Ана шу қутлуғ айём билан сизларни, сизлар орқали кўп миллатли бутун халқимизни чин қалбимдан муборакбод этаман. Барчангизга ўзимнинг чуқур ҳурмат-эҳтиромим ва эзгу тилақларимни билдираман.

Сиз, азизларни биз фашизмга қарши мардона курашган, буюк Ғалабага бекиёс ҳисса қўшган, Ватанимизнинг ҳақиқий қаҳрамонлари, деб биламиз ва сизлар билан чексиз фахрланамиз.

Сизларнинг бугун орамизда мана шундай нуруний бўлиб, дуогўй бўлиб юришларингиз биз учун, албатта, катта бахт, катта давлатдир.

Ҳаммамизга аёнки, бу дунёда тинчлик ва омонлик, бахту саодат барқарор бўлиши учун инсон ўзини аямасдан кураш олиб бориши, фидокорона меҳнат қилиши керак. Сизларнинг юксак жасорат ва матонатингиз, бутун ҳаётингиз бунга яққол мисол бўла олади.

Бугун фашизмга қарши курашда халок бўлган минглаб ватандошларимизнинг сўнмас хотирасини ёд этиб, уларнинг руҳи покларига ҳурмат бажо келтириш — биз учун ҳам қарз, ҳам фарздир.

Қонли жанг майдонларида мардлик кўрсатган, фронт ортида меҳнат қилиб, бугун ҳаётимизга фойз бағишлаб юрган мухтарам фахрийларимиз олдида барчамиз башт эгиб таъзим қиламиз.

Айни вақтда мустақил Ватанимиз озодлиги, эл-юрт тинчлиги йўлида халок бўлган жасур ҳарбийларимизнинг номларини ҳам ҳурмат ва эҳтиром билан эсга оламиз. Уларнинг оила аъзолари, фарзандларига эътибор ва ғамхўрлик қўриштириш ўзимизнинг муқаддас бурчимиз, деб биламиз.

Азиз ва мухтарам дўстлар!

Иккинчи жаҳон уруши, ҳақиқатан ҳам, инсоният тарихидаги энг даҳшатли, энг қонли қирғин бўлган эди. Бу уруш халқимиз бошига қандай огир азоб-укубат ва талафотлар, беҳисоб қурбонлар келтирганини эл-юртимиз ҳеч қачон унутмайди.

Албатта, бу ҳақда жуда кўп гапириш мумкин. Рухсатингиз билан, мен, такрор бўлса ҳам, фақат баъзи мисолларга тўхталиб ўтмоқчиман.

Уруш арафасида Ўзбекистонда 6,5 миллион аҳоли яшаган бўлса, шундан 1 миллион 500 мингдан зиёди фронтга сафарбар этилган. Бу ўша пайтдаги халқимизнинг 22 фоизини, меҳнатга яроқли аҳолининг эса 40 — 42 фоизини ташкил этарди.

Меҳрибон ота-онасини, азиз фарзандлари, табаррук она-юрт туپроғини ҳимоя қилишга отланган бу ботир инсонлар кечаю кундуз қон кечиб, Москвадан то Берлингача бўлган оловли йўллари қаҳрамонларча босиб ўтдилар.

Урушда ўзбекистонлик жангчилардан 500 мингдан кўпроги — фронтга сафарбар этилганларнинг ҳар учтасидан бири халок бўлди, 60 мингдан ортиқ ҳаюртимиз ногирон бўлиб қайтди.

Бу ёвуз уруш туфайли қанча-қанча оилалар ўз боқувчисидан ажралди, гўдаклар етим, аёллар бева бўлиб қолди. Ўз жигарбандидан жудо бўлган минг-минглаб оналар қалбидида алам ва изтиробни ифода этишга сўз ожиз.

Эл-юртимизнинг буюк Ғалабага қўшган улкан ҳиссаси ҳақида гапирар эканмиз, қуйидаги рақамларга алоҳида тўхталиш ўрилни, деб ўйлайман. **Урушда қатнашган 120 мингдан ортиқ Ўзбекистон фарзанди жанговар орден ва медалларга сазовор бўлган. Уларнинг 280 нафари Совет Иттифоқи Қаҳрамони унвони билан, 82 нафари эса учала даражадаги “Слава” ордени билан мукофотланган.**

Уруш йилларида Ўзбекистон фронтининг мустаҳкам таъминот базасига айланди. Юртимиздаги sanoat корхоналари ҳарбий соҳага мослаштирилди,

барча имкониятлар фронт учун, ғалаба учун сафарбар этилди.

Улкамизга эвакуация қилинган юздан зиёд завод ва фабрикаларни ишга туширишда ишчи ва муҳандислар билан бирга аёллар ва кексалар, ўспирин болалар мардлик ва матонат билан меҳнат қилдилар.

Уруш даврида халқимиз томонидан фронтга 2 мингдан зиёд самолёт, кўплаб қурол-яроғ, юзлаб ҳарбий-санитария поездлари, дала ошхоналари, палаткалар, жуда катта микдордаги озиқ-овқат, кийим-кечак ва бошқа зарур маҳсулотлар етказиб берилди.

Ўзбекистон меҳнаткашлари тўплаган маблаглар ҳисобидан унлаб ҳарбий самолёт ва танклар, жанговар машиналар барпо этилди.

1941 — 1945 йилларда мамлакатимиз собиқ Иттифок микёсидидаги улкан госпиталга айланди. Бу ерда минг-минглаб жангчилар даволаниб, уруш ва меҳнат фронтларига қайтдилар.

Уша суронли йиллар ҳақида гапирганда, халқимизнинг олижаноб гуманистик фазилатлари тўғрисида ҳар қанча фахрланиб, ғурурланиб сўз юритсак, арзийди, албатта.

Ўзбекистон уруш туфайли уй-жойи, ота-онаси ва қариндошларидан ажралган, фронт ҳудудларидан кўчириб келтирилган қарийб 1 миллион кишини ўз яқинларидек кутиб олди. Уларнинг 200 минг нафари болалар эди. Юзлаб ўзбек оилалари эвакуация қилинган етим болаларни ўз тарбиясига олди. Охири бурда нонини ҳам улар билан баҳам кўрди.

Тошкентлик темирчи Шоаҳмад Шоаҳмудов хонадони ана шундай оилалардан бири эди.

Бахри ая ва Шоаҳмад ота 14 нафар оч-юпун, етим болани ўз тарбиясига олиб, уларга меҳр ва ғамхўрлик кўрсатдилар.

Халқимизга хос ана шундай буюк инсонпарварлик юксак маънавий жасорат намунаси сифатида бутун дунёда эътироф этилди.

Кейинги пайтда жамоатчилигимиз

томонидан билдирилган кўплаб муурожаатларни ҳисобга олиб, биз Шоаҳмад Шоаҳмудов оиласига қўйилган ҳайкални Тошкент шаҳри марказидаги аввалги жойига қайтаришга қарор қилдик.

Ушбу ёдгорлик ёнида жойлашган марказий кўчалардан бирига Шоаҳмад Шоаҳмудов номи берилди. Шунингдек, ҳайкал ўрнатилган майдон, шу ҳудуддаги метро станцияси, санъат саройининг “Халқлар дўстлиги” деган аввалги номи қайта тикланди.

Албатта, бундай қарор чуқур асосга эга. Бугунги кунда мамлакатимизда 130 дан зиёд миллат ва элат вакиллари дўстлик, ўзаро ҳурмат муҳитида тинч-тотув яшамокда.

Ишончим комил, Ўзбекистон пойтахти марказида қайта тикланган мажмуа азалдан халқимизга хос бўлган, тобора мустаҳкамланиб бораётган бағрикенглик ва ҳамжихатлик, саховат ва олижаноблик фазилатларининг ёрқин тимсоли бўлиб қолади.

Азиз дўстлар!

Иккинчи жаҳон уруши йилларида халқимиз кўрсатган мардлик ва олижаноблик ҳақида кўплаб илмий ва бадиий асарлар яратилганини, албатта, миннатдорлик билан таъкидлаймиз. Шу билан бирга, эл-юртимизнинг буюк Ғалабага қўшган улкан ҳиссаси ҳали тўла очиб берилмаган, десак, бу ҳам адолатдан бўлади.

Бугунги фурсатдан фойдаланиб, мен тарихчи олимларимизга, адабиёт ва санъат арбобларига, кенг жамоатчилигимизга бир тақдир билан муурожаат қилимоқчиман. Бу даҳшатли урушда қатнашган ота-боболаримизнинг қаҳрамонлиги ҳақида янги-янги асарлар яратилиш, жумладан, аниқ тарихий ҳужжатлар асосида мукамал китоб-альбом тайёрлаб, нашр этишининг, ўйлаб-анани, вақти-соати келди.

Ҳақиқатан ҳам, **униб-ўсиб келаётган ёш авлодимиз фашизм балосига қарши курашда жасур аждодларимиз кўрсатган мардлик ва матонатни асло ёдидан чикармаслиги керак.**

Бу тарихий ҳақиқатни уларга тўла етказиш, фарзандларимизни миллий ғурур ва ифтихор руҳида, ватанпарварлик руҳида тарбиялашда барча мутасадди ташкилотлар, олимларимиз, ижодкор зиёлиларимиз фаол иштирок этадилар, деб ишонаман.

Қадрли юртдошлар!

Бугун азим пойтахтимиз Тошкент шаҳрида, барча вилоят ва туманларда эл-юртимиз Хотира майдонларини зиёрат қилиб, урушда халок бўлган ватандошларимизни ёд этмоқда. Мухтарам фахрийларимиз билан самимий учрашувлар ўтказилиб, уларга мукофотлар, эсдалик совғалари топширилмоқда.

Ҳаммамиз яхши тушунамиз, кексаларимиз, мўтабар отахон ва онахонларимизни рози қилсак, бутун халқимиз, жамиятимиз биздан рози бўлади. Уларнинг табаррук дуолари — бу, аввало, эл-юртимизнинг дуоси, десак, ҳар томонлама тўғри бўлади.

Шу муносабат билан таъкидлаб айтмоқчиман — кекса авлод вакилларига эътибор ва ғамхўрликни кучайтириш, уларнинг ижтимоий таъминоти, тиббий хизматдан фойдаланиши, маиший шароитларини яхшилаш, ҳурматли фахрийларимизни ҳар томонлама қўллаб-қувватлаш, эъзозлаш ва ардоқлаш бундан бўён ҳам эътиборимиз марказида бўлиб қолади.

Албатта, мана шу қутлуғ байрам кунларида, ям-яшил табиат бағрида, мусаффо осмон остида туриб, **ҳар биримиз тинч ва озод ҳаётнинг қадрини, аҳамиятини янада чуқур ҳис этмоқдамиз.**

Лекин, минг афсуски, дунёнинг турли минтақаларида кескинлик ўчоқлари кўпайиб бормоқда. Бу ҳам айни ҳақиқат. Шундай мураккаб даврда тинчлик учун кураш чиндан ҳам энг долзарб вазифага айланмоқда.

Шунинг учун биз яқин ва узоқ қўшниларимиз билан ўзаро манфаатли алоқаларни кучайтирмоқдамиз. Айниқса, минтақамизда дўстлик ва ҳамкорлик руҳини мустаҳкамлаш бўйича катта ишларни амалга ошираётганимиз

сизларга яхши маълум. Жумладан, жафокаш Афғонистон заминиди салкам 40 йилдан бўён давом этаётган можоронни тинч йўл билан ҳал этиш борасидаги ташаббусларимиз халқаро ҳамжамият томонидан кенг қўллаб-қувватланмоқда.

Минтақамиздаги тинчлик ва тараққиёт барчамизнинг биргаликдаги сайёҳаракатларимизга боғлиқ. Шу маънода, бугун Марказий Осиё давлатлари ўзаро ҳамкорлик алоқаларини янги босқичга кўтаришга интилаётгани гоят муҳим аҳамиятга эга.

Айни пайтда Ватанимиз мустақиллигини мустаҳкамлаш, сарҳадларимиз дахлсизлигини сақлаш, халқаро терроризм, экстремизм, наркотрафик каби хатарларга қарши курашиш бош вазифамиз бўлиб қолади. Бу борада Қуролли Кучларимизнинг жанговар салоҳиятини ошириб, тинчлик ва хавфсизлик йўлида олис ва яқин давлатлар билан ҳамкорликини янада кучайтирамиз.

Фурсатдан фойдаланиб, Ўзбекистонни хайрихоҳлик билан қўллаб-қувватлаб келаётган, бугунги даврамизда иштирок этаётган дипломатик корпус вакилларига, барча хорижий меҳмонларимизга юксак ҳурмат ва эҳтиром билдирамиз. Уларнинг мамлакатлари ва халқларига ўз номидан, эл-юртимиз номидан тинчлик ва раванқ тилашга ихозат бергайсиз.

Қадрли ва мухтарам ватандошларим!

Сиз, азизларни қутлуғ байрам — Хотира ва Кадрлаш куни билан ая бир бор чин қалбимдан табриклайман.

Ҳаммангизга сийхат-саломатлик, хонадонларингизга фойзу барака тилайман.

Дунёдаги энг катта бахт — фарзандлар, набираларнинг бахту қамолини кўриш барчангизга нисбатан эътибор.

Юртимиз тинч, халқимиз омон бўлсин!

Осмонимиз доимо мусаффо бўлсин!

(Давоми 2-бетда).



ЎЗБЕКИСТОН ПРЕЗИДЕНТИНИНГ АҚШГА РАСМИЙ ТАШРИФИГА ДОИР

Ўзбекистон Республикаси Президенти Шавкат Мирзиёев Америка Қўшма Штатлари Президенти Дональд Трампнинг таклифига биноан 2018 йил 15 — 17 май кунлари илк расмий ташриф билан АҚШда бўлади.

Олий даражадаги музокараларда Ўзбекистон — АҚШ ҳамкорлигининг ҳолати ва уни ривожлантириш истиқболларини муҳокама қилиш, халқаро ва минтақавий аҳамиятга молик долзарб масалалар юзасидан фикр алмашиш режалаштирилган.

Вашингтонда давлатимиз раҳбари, шунингдек, АҚШ Конгресси, Мудофаа вазирлиги ва Давлат департаменти ҳамда Жаҳон банкида икки томонлама учрашувлар ўтказилади.

Расмий ташриф якунида икки мамлакат Президентлари «Ўзбекистон ва Америка Қўшма Штатлари: стратегик шериклик янги даврининг бошланиши» деб номланган Қўшма баёотнои имзолаши, турли соҳалардаги ўзаро муносабатларни янада мустаҳкамлашга қаратилган ҳужжатлар тўпламининг қабул қилиниши кутилмоқда.

Ў.А.

ҲАЁТИ — ИБРАТ, СЎЗИ — ҲИКМАТ

Ўтганлар хотирасини ёд этиш, табаррук ёшдаги кексаларни қадрлаш, уларга ғамхўрлик қўриш азалий қадриятларимизга уйғунлиги билан янада аҳамиятлидир.

Хусусан, Президентимизнинг “Иккинчи жаҳон уруши қатнашчиларини рағбатлантириш тўғрисида”ги Фармони ҳамда “Хотира ва Кадрлаш кунига тайёргарлик кўриш ва уни ўтказиш чора-тадбирлари тўғрисида”ги қарори ижроси доирасида мамлакатимизнинг барча гўшасида уруш ҳамда меҳнат фахрийлари ҳолидан хабар олиниб, уларга алоҳида эҳтиром қўрсатилмоқда.

Жумладан, Қорақалпоғистон Республикасида ҳам ушбу санага кизигин ҳозирлик кўрилди. Асосий тадбир Нукус шаҳридаги Хотира

майдонида бўлиб ўтди. Иккинчи жаҳон уруши қатнашчилари, меҳнат фахрийлари ва кенг жамоатчилик вакиллари иштирокида ҳарбий оркестр мусиқаси

садолари остида майдондаги Мотамсаро она ҳайкали пойига гулчамбарлар қўйилди.

— Биз, уруш фахрийларига юксак ғамхўрлик қўрсатилмоқда, — дейди Иккинчи жаҳон уруши қатнашчиси, чимбойлик отахон Торенияз Абдулов. — Президентимизнинг табрик хати, тилла соат ҳамда 5 миллион сўм пул мукофоти қабул қилиб олдик. Бундай эътибордан бошимиз осмонга етди. Бунинг учун чексиз миннатдоримиз.

(Давоми 2-бетда).



«СИЗЛАРНИНГ БУГУН ОРАМИЗДА МАНА ШУНДАЙ НУРОНИЙ БЎЛИБ, ДУОГЎЙ БЎЛИБ ЮРИШЛАРИНГИЗ БИЗ УЧУН, АЛБАТТА, КАТТА БАХТ, КАТТА ДАВЛАТДИР»



(Давоми. Бошланиши 1-бетда).

Давлатимиз раҳбари уруш ҳамда меҳнат фахрийларини Иккинчи жаҳон урушида фашизм устидан қозонилган Ғалабанинг 73 йиллиги билан муборакбод этди.

Таъкидланганидек, уруш йилларида мамлакатимиз аҳолиси 6,5 миллион бўлган. Шундан 1,5 миллион киши урушда қатнашган. Бу ўша пайтда меҳнатга яроқли аҳолининг 42 фоизини ташкил қилган. Меҳрибон ота-онаси, азиз фарзандлари, табаррук она-тупроғини ҳимоя қилишга отланган жангчиларимиздан 500 минг нафаридан ортиғи ҳалок бўлди. Бу ёвуз уруш туфайли қанчадан-қанча оилалар боқувчисидан айрилди. Болалар етим, аёллар бева қолди. Ўз фарзандларидан жудо бўлган оналарнинг изтиробини сўз билан ифодалаш қийин. Урушда қатнашган 120 мингдан ортиқ юртдошларимиз турли жанговар орден ва медаллар билан тақдирланди.

Уруш йилларида халқимиз бағрикенглик, одамийлик, мурувват, саховат каби бебаҳо хислатлари билан бутун дунёда донг таратди. Зеро, ўша йиллари Ўзбекистон фронтнинг мустаҳкам таъминот базасига айланди. Барча имоният фронт учун, ғалаба учун сарфланди. 100 дан ортиқ миллатлар ва-

килларида бир миллион нафарга яқин одамлар юртимизга эвакуация қилинди. Халқимиз уларни бағрикенглик билан кутиб олиб, бошини силади, ўз уйидан жой берди. Жумладан, икки юз мингдан зиёд болаларни “Сен етим эмассан” деб оиласи бағрига олган, бир бурда нонини улар билан баҳам кўриб, ўз болалари қатори вояга етказган эди. Дунё тарихидаги энг дахшатли, энг қонли қиргин бўлган Иккинчи жаҳон уруши бутун инсониятга мислсиз йўқотишлар, талафоту мусибатлар олиб келди.

Иккинчи жаҳон уруши йилларида тошкентлик Шоаҳмудовлар оиласи 14 нафар, катта-қўрғонлик Самадовлар оиласи 12, бухоролик Жўраев ҳамда Ашурхўжаевлар оиласи 8 нафардан болани ўз бағрига олган. Хотира ва Қадрлаш куни нишонланаётган шу кунларда Президентимиз Шавкат Мирзиёев ташаббуси билан пойтахтимиздаги Халқлар дўстлиги майдонида тошкентлик темирчи Шоаҳмудовлар оиласига бағишланган мемориал монумент қайта ўрнатилди.

Давлатимиз раҳбарининг уруш қатнашчилари ҳақида мукаммал ахборот-альбом тайёшлаб, нашр этиш ҳақидаги тақлифи юксак мамнуният билан қўллаб-қувватланди. Зеро, тарихий ҳақиқатни тик-

лаш бугун ўсиб келаётган ёшларимизни ҳақиқий ватанпарвар, азалий қадриятларимизга садоқат руҳида тарбиялашга хизмат қилади.

Саҳна ортидаги улкан мониторда Иккинчи жаҳон уруши йилларидаги ҳаёт акс эттирилган лавҳалар намойиш қилинади. Ўзбекистон Республикасида хизмат кўрсатган санъат арбоби Туроб Тўланинг “Она монолоғи” янграйди. Машҳур суҳандон Юрий Левитаннинг уруш бошлангани тўғрисидаги эълонни ўқиган овози янграйди. Йигитлар Ватан ҳимоясига отланади. Саҳнада Иккинчи жаҳон уруши воқеаларига бағишланган манзаралар тасвирланади.

Таъкидлаш жоизки, бу йилги Хотира ва Қадрлаш куни тад-

фидо қилган боболаримизни хотирлаш, бугун орамизда бўлган фахрийларимизнинг кўнглини кўтариш, умрига умр қўшишдек олижаноб мақсад кўзланган. Зеро, уларнинг қахрамонлиги қалбларимизга фахр туйғусини бағишлайди.

Байрам дастурида атоқли шоир ҳамда санъаткорларимизнинг шеър ва қўшиқларига кенг ўрин берилгани Хотира ва Қадрлаш куни мазмун-моҳиятига мос тушган. Ҳамид Олимжоннинг “Фашизм балоси”, Зулфиянинг “Жангга кетди. Йигитлар Ватан ҳимоясига отланади”, Фафур Гуломнинг “Сен етим эмассан” шеърларини муаллифлардан ёзиб олинган парчалари эшиттирилганда, дилларга титроқ тушди.

...Туроб Тўланинг “Қасос

гит омон бўлса”, Константин Симоновнинг “Жди меня”, Яков Галицкийнинг “Синий платочек” шеърларига басталанган қўшиқлар янгради.

Президентимизнинг уруш фахрийлари ёнига бориб, улар билан самимий сўрашгани, саломатлиги билан қизиқгани тадбирга ўзгача файз ва шукҳ бағишлади. Кўзларида шашқатор ёшлар билан дуога қўл кўтарган нурунийларнинг эзгу тилаклари кўнглиларга қувонч бахш этади. Шўх қўшиқлар бошланган, навқирон йигитлардек завқу шавқ билан ўйинга тушиб кетган нурунийларга ҳавас билан қарайсиз.

— Юртбошимизга мингданминг раҳмат, — дейди тантана иштирокчиси, уруш ва меҳнат



Ҳасан ПАЙДОЕВ («Халқ сўзи») ва Аъло АБДУЛЛАЕВ (ЎЗА) олган суратлар.

бирларида Иккинчи жаҳон урушида халқимиз тинчлиги ҳамда омонлиги йўлида ўз жонини

оламиз”, Камтарнинг “Фронтдан хат”, Ҳабибийнинг “Кўргум келур”, Фафур Гуломнинг “И-

фахрийси Мадамин ота Ҳасанов. — Бизни ушбу боғга чорлаб, кўнглимизни осмон

ҲАЁТИ — ИБРАТ, СЎЗИ — ҲИКМАТ

(Давоми. Бошланиши 1-бетда).

Тадбирда уруш йилларининг мудҳиш воқеалари ва халқимизнинг жасорат ҳамда мардлигини дахил қилувчи театрлаштирилган дастур намойиш этилди.

Ҳарбий қўшиқлар садолари барчани **Андижон** шаҳри марказидаги Хотира хиёбони сари чорлади. Йиғилганлар Мотамсаро она ҳайкали пойига гуллар қўйди. “Хотира китоби” варақланиб, жангҳо-ларда бугунги тинчлик-осойишталик учун жонини қурбон қилган оталаримиз яна бир бор ёд этилди.

— Осойишталикка нима етсин, — дейди Иккинчи жаҳон уруши қатнашчиси, Избоскан туманининг Тўраобод қишлоғида яшовчи 98 ёшли Зулунбой ота Мадраимов. — Илоҳим, халқимиз ҳеч қачон уруш кўрмасин. Бугунги дориламон кунлар бардавом бўлсин!

Бу галги байрам тадбирлари **Бухорода** ўзгача руҳда нишонланди. Хотира майдони янгитдан барпо қилинди. Миллий услубда қурилган иккита айвон, фаввора, ноёб гуллар унинг кўрмига ажиб бир шукҳ бағишлаган.

— Хотира майдонининг қайтадан бунёд этилишини биз, Иккинчи жаҳон уруши қатнашчилари хурсандчилик билан қарши олдик, — дейди суронли йилларнинг тирик гувоҳи, уруш ва меҳнат фахрийси Аминжон Аҳмеджонов. — Юртбошимиз ташаббуси билан барпо қилинган бу қадамжо ёшларимизни она-Ватанга садоқат руҳида тарбиялашга, тинчлик ҳамда осийишталикнинг қадрига етишга чорловчи маскан бўлиб қолади. “Ана шундай тинч ва фаровон ҳаётнинг қадрига етинглар”, деб неварачеварларимизга доимо насиҳат қиламан.

Жиззах шаҳридаги Хотира хиёбонида бўлиб ўтган тадбирда вилоят ҳокимлиги, жамоат

ташкilotлари вакиллари ҳамда уруш фахрийлари ва фронт ортида меҳнат қилган юртдошларимиз қатнашди.

Унда тинчлик-осойишталикни асраш, оилаларни мустаҳкамлаш, ёшларни баркамол этиб тарбиялашда Иккинчи жаҳон уруши қатнашчилари, меҳнат фахрийларининг ҳаётий тажрибаси катта ибрат мактаби экани, уларга эҳтиром кўрсатиш, ўғитларига амал қилиш лозимлиги алоҳида таъкидланди. Мотамсаро она ҳайкали пойига гуллар қўйилиб, тинчлик учун жонини фидо қилган инсонлар яна бир бор ёдга олинди.



Алишер ИСРОИЛОВ (ЎЗА) олган сурат.

Навоий вилоятида ҳам Хотира ва Қадрлаш куни ўзгача шукҳда нишонланди. Байрам арафасида Президентимизнинг Фармони ҳамда қарори асосида вилоятдаги 51 нафар Иккинчи жаҳон уруши иштирокчиси қутланиб, уларга бир мартилик пул мукофоти, Юртбошимизнинг табриғи ва тилла соат

туйғуларини янада юксалтиради.

Наманган вилоятида байрамни юқори даражада ўтказишга қизгин ҳозирлик кўрилди. Вилоятдаги 65 нафар уруш фахрийсининг хонадонларига ташир буюрилиб, уларнинг ҳолидан хабар олинди. Айнқса, давлатимиз раҳбарининг байрам тўғрисида — тилла

бағишланган тадбирлар эрта тонгдан **Самарқанд** шаҳридаги Мотамсаро она ҳайкали пойига гуллар қўйиш билан бошланди. Унда давлат ҳамда жамоат ташкилотлари вакиллари, нурунийлар ва ёшлар иштирок этди.

Марказий ҳарбий округ қўмондонлиги томонидан ҳар-

бий техникалар ҳамда қурол-аслаҳалар кўргазмаси, вилоят мусиқали драма театри олдидаги сахнада ҳарбий оркестр концерти тадбирга байрамона шукҳ бағишлади.

Шундан сўнг Иккинчи жаҳон уруши қатнашчилари ва меҳнат фахрийлари Самарқанд шаҳридаги “Боғишамол гарден” ресторанида уюштирилган байрам дастурхонига тақлиф қилинди.

Гулистон шаҳрида бўлиб ўтган байрам тадбирлари ҳам Мотамсаро она монументи пойига гул қўйиб, аскар волидасига ҳурмат-эҳтиром бажо келтириш маросими билан бошланди. Тадбирда Иккинчи жаҳон уруши қатнашчилари, меҳнат фахрийлари, давлат ҳамда жамоат ташкилотлари вакиллари, ёшлар ва маҳаллалар фаоллари ҳозир бўлдилар.

— Юрт озолиги йўлида жонини фидо этганларнинг жасоратини ёдга олиш, айна пайтда ҳаёт бўлган ана шундай кишиларга иззат-иқром кўрсатиш, ҳеч шубҳасиз, ёш авлод учун катта ибрат мактаби бўлиб хизмат қилади, — дейди Гулистон туманилик меҳнат фахрийси Ёқубжон Мадаминов.

Сурхондарё вилоятида Хотира ва Қадрлаш куни муносабати билан Иккинчи жаҳон уруши қатнашчиларига Президентимиз номидан 5 миллион сўм пул мукофоти, табрик хати ҳамда қимматбаҳо қўл соатлари топширилиб, фронт орти фахрийларига юксак ҳурмат ва эҳтиром кўрсатилди.

Эрта тонгдан Сурхондарё вилояти ҳокимлиги, ҳуқуқни муҳофаза этиш органлари ходимлари, ҳарбийлар, давлат ҳамда жамоат ташкилотлари вакиллари ва ёшлар Термиз шаҳридаги Мотамсаро она ҳайкали пойига гулчамбарлар қўйишди.

Шундан сўнг Иккинчи жаҳон уруши қатнашчилари ҳамда фронт орти фахрийлари шарафига тўкин дастурхон ёзилди. Тадбирда уруш ва меҳнат фак-

қадар кўтарди. У кишининг табриғини эшитиб янада тўқинлашиб кетдим. Давлатимиз раҳбари ўзининг шиддатли ислохотлари, хайрли ташаббуслари билан барчамизни хушнуд этмокда. Уруш йилларида халқимизга хос бағрикенглик тимсоли бўлган, турли миллатга мансуб 14 нафар болани тарбиялаган Шоаҳмудовлар оиласига қўйилган ҳайкал илк жойига қайтарилиши, санъат саройи ҳамда метро бекатига “Халқлар дўстлиги” номининг тикланиши, генерал Собир Раҳимов шахсига эҳтиром кўрсатилишидан бехад мамнун бўлдим. Шавкат Мирзиёев ҳар биримиз билан қўришиб, ҳолаҳволимизни сўрагани бизга куч-қувват, ғайрат бағишлади.

Хоразм вилоятининг Урганч шаҳрида яшовчи Собир Курбонов ҳам пойтахтимиздаги асосий тантанамга тақлиф қилинди. У ўз дил сўзлари билан ўртоқлашиб, шундай дейди:

— Фарзандларим, набираларим: “Тошкентга бораркансиз, Президентимиз сизни ҳам байрамга тақлиф қилибдилар”, дейишганида, кўзларимга ёш қуйилди. Бундан олдин вилоятимиз ҳокимлигидан вакиллар келишиб, Юртбошимизнинг совға-саломини етказишди. Йўқловнинг, ҳадяларнинг адоғи йўқ. Бугун эса Тошкентга келиб, байрамда қатнашдим. Бундай эъзоздан қувонмай бўладими? Ҳар бир сўзида халқ манфаатини илғари сураётган Президентимиз соғ-саломат бўлсин.

Богда ўша замоннинг муҳити яратилгани, қурол-аслаҳалар, танклар, окопларни қўриб, умримнинг энг жўшқин, айна пайтда армонга айланган йилларини эсладим. Инсоният бошига мислсиз жабр келтирган урушнинг номи ўчсин. Юртбошимиз айтгандек, мусаффо осмон, тинч замонамизга кўз тегмасин.

— Яратганга беадад шукр, шундай дориламон кунларни кўриш насиб этди, — дейди Иккинчи жаҳон уруши қатнаш-

чиси, Марғилон шаҳрининг Бахрин маҳалласида яшовчи Дадабой ота Аҳмадалиев. — Маҳалла-кўй, қариндош-уруғ ҳар куни ҳолимдан хабар олиб турибди. Куни кеча “Маҳалла” ва “Нуруний” жамғармалари вакиллари уйимга келиб, Президентимизнинг мактубини ўқиб беришди. Шу билан бирга, беш миллион сўм пул мукофоти, тилла соат тақдим этишди. “Қувонч қўшалок келади”, деганлари бежиз эмас экан. Бундай эътибору ғамхўрликдан қувониб, дунёларга сиймай юрганамизда, Тошкентда ўтадиган тантанамга ҳам тақлифнома келиб қолди. Маана, бугун ушбу байрамда қатнашиб, яйрадим, қуролдошларим билан дийдорлашдим. Давлатимиз раҳбарининг табриғини мароқ билан тинглаб, ўзлари билан қўришдим, меҳрга йўғрилган сўзларидан баҳраманд бўлдим. Бундан ортиқ бахт борми?!

Бу каби дил изҳорлари, ҳаётдан, умрдан миннатдорлик сўзларини бошқа фахрийлардан ҳам эшитиб, қувондик. Зеро, юракнинг туб-тубидан отилиб чиққан бундай фикрлар замирида бугунги тинч ва осойишта кунлардан розилик, Президентимиз олиб бораётган оқилона сиёсатдан мамнунлик мужассам.

Тадбир ҳарбий оркестр ва миллий ижрочилар иштирокида давом этди. Юртни, тинчликни, дориламон кунларни тараннум қилувчи қўшиқлар янгради.

Кечқурун пойтахтимиз осмони ранго-ранг мушаклардан янада нурафон бўлди. Ўзбекистон Республикаси Мудофаа вазирлиги томонидан Ўзбекистон Миллий боғининг “Наврўз” майдонида махсус тўплардан 42 маротаба салют берилди.

9 май — Хотира ва Қадрлаш куни ҳамда Ғалабанинг 73 йиллигига бағишланган тадбирлар бутун мамлакатимиз бўйлаб қизгин нишонланмокда.

Мақсууд ЖОНИХОНОВ,
«Халқ сўзи» мухбири.

этилди. Уларга қимматбаҳо эсдалик совғалар топширилди.

Хоразм вилоятида ҳам айём юксак савияда, бугунги дориламон кунларга шукроналик билан кенг нишонланди. Утганлар яна бир бор хотирланди, мудҳиш уруш йилларидаги йўқотишлар, оғир азоб-қубатлар ёдга олинди.

Байрам муносабати билан вилоятда ободонлаштириш ишлари амалга оширилди. Кўчаю майдонлар Хотира ва Қадрлаш кунига бағишланган паннолар, кўргазмалар воситалар билан безатилди. Иккинчи жаҳон урушининг ҳар бир қатнашчиси, фронт орти меҳнат фахрийлари, мустақиллик йилларида хизмат бурчини бажариш чоғида ҳалок бўлган ҳарбий хизматчилар ҳамда ҳуқуқни муҳофаза қилиш органлари ходимларининг хонадонларига борилиб, оила аъзоларига моддий ва маънавий ёрдам кўрсатилди.

Тошкент вилоятининг маъмурий маркази — Нурафшон шаҳрида бу йил Хотира ва Қадрлаш куни биринчи марта кенг нишонланди. Байрамона безатилган шаҳар марказига уруш ҳамда меҳнат фахрийлари, жамоатчилик вакиллари йиғилдилар. Улар иштирокчида Мотамсаро она ҳайкали тантанали равишда очилди.

Шу муносабат билан ташкил этилган тадбирда сўзга чиққанлар Иккинчи жаҳон урушида қозонилган тарихий ғалабага пойтахт вилояти вакиллари қўшган ҳисса, мамлакатимизда уруш қатнашчилари ва ногиронларига, кескаларга кўрсатилаётган катта ғамхўрлик ҳақида гапирдилар. Ҳайкал пойига гулчамбарлар қўйилди.

Бугун вилоятда 148 нафар Иккинчи жаҳон уруши қатнашчиси бор. Байрам арафасида уларга Президентимиз номидан пул ҳамда қимматбаҳо совғалар топширилди, ҳурмат ва эътибор кўрсатилди.

«Халқ сўзи» мухбирлари
хабарлари асосида тайёрланди.

ДЕПУТАТ ФИКРИ

2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси фуқаролик жамияти институтларининг мамлакатни демократлаштириш ва модернизациялашдаги роли ҳамда аҳамиятини янги босқичга кўтарди. Унга мувофиқ, жамият ва давлат ишларини бошқаришда фуқаролик жамияти институтларининг ролини оширишга қаратилган 10 га яқин норматив-ҳуқуқий ҳужжатлар қабул қилинди.

Очиқ фуқаролик жамияти сари дадил қадам

Президентимизнинг жорий йил 4 майдаги “Мамлакатни демократик янгилаш жараёнида фуқаролик жамияти институтларининг ролини тубдан ошириш чора-тадбирлари тўғрисида”ги Фармони мана шундай ҳужжатларнинг навбатдагиси бўлди.

Мазкур Фармон билан Ўзбекистон Республикаси Президенти ҳузурида Фуқаролик жамиятини ривожлантириш бўйича маслаҳат кенгаши ташкил этилди. Мазкур Маслаҳат кенгашининг асосий вазифаларидан бири сифатида давлат ҳамда фуқаролик жамияти институтларининг тизимли мулоқотини йўлга қўйиш, фуқаролик жамиятини ривожлантиришнинг миллий моделини шакллантириш ва давлат органларининг фуқаролик жамияти институтлари билан ҳамкорлиги механизмларини, шунингдек, бундай ҳамкорлик даражасини баҳоловчи кўрсаткичларни ишлаб чиқиш белгиланган.

Фармонда фуқаролик жамияти институтларини янада ривожлантириш, уларни иқтисодий жиҳатдан қўллаб-қувватлаш ҳамда “учинчи сектор”да банд бўлган аҳолини ижтимоий ҳимоя қилиш борасида қатор имтиёзлар белгилан берилди. Хусусан, 2018 йил 1 июндан бошлаб нодавлат нотижорат ташкилотларига халқаро ва хорижий ташкилотлар, чет давлатларнинг фуқароларидан келиб тушган пул маблағларидан ҳамда мол-мулкдан, уларни олиш рўйхатдан ўтказувчи орган билан келишилгандан сўнг, бирон-бир тўсиқларсиз фойдаланилади. Нодавлат нотижорат ташкилотлари учун ағона ижтимоий тўлов ставкаси микдори 25 фоиздан 15 фоизгача камайтирилди. Муқаддам жамоат фондлари ҳар йилги маъмурий хара-

жатларининг, шунингдек, васийлик кенгаши ва тафтиш комиссияси аъзоларига тўланадиган ҳақ ҳамда уларнинг ўз вазифасини бажаришлари билан боғлиқ харажатларини компенсация қилиш фонд харажатлари суммасининг 20 фоизидан ошмаслиги ўрнатилган бўлса, эндиликда ушбу микдор 30 фоиз этиб белгиланди. Яъни жамоат фондларига ўзларининг фаолиятини ташкил қилиш учун кўпроқ маблағ жалб этишга рухсат берилмоқда. Яна бир аҳамиятли жиҳати, нодавлат нотижорат ташкилотларининг пенсионер ходимларига пенсия тўлиқ тўлиниши белгиланди.

Таъкидлаш лозимки, бугунги кунда нодавлат нотижорат ташкилотларини давлат томонидан назорат қилишининг аниқ механизми йўқ. Бу эса уларнинг фаолиятини назорат этувчи органлар томонидан турли давр оралиғида ҳамда турли шаклларда назорат қилиш имконини яратди. Айнан шунинг учун Фармонда Адлия вазирлиги нодавлат нотижорат ташкилотлари фаолиятини мониторинг қилиш ва ўрганиш турлари, муддатлари, даврийлиги ва бошқа тартиб-таомилларини назорат да тутувчи тартибни ишлаб чиқишга масъул этиб белгиланди.

Бундан ташқари, Адлия вазирлигига манфаатдор вазирлик ҳамда идоралар билан биргаликда нодавлат нотижорат ташкилотлари тақдим қиладиган ҳисобот шакллари ва уни тақдим этиш тартибини соддалаштириш, шунингдек, улар томонидан қўнун ҳужжатларини бузганлик учун маъмурий ундирувларни қайта қўриб чиқиб, сезиларли даражада қисқартириш бўйича тақлифлар киритиш юклатилди.

Масалан, бугунги кунда давлат

солиқ органларига ҳисоботларни ўз вақтида тақдим қилмаслик 500 минг сўмгача жарима солишга сабаб бўлса, нодавлат нотижорат ташкилотларининг рўйхатдан ўтказувчи органга ҳисоботларни ўз вақтида тақдим этмаслиги 5 миллион сўмгача, яъни ўн баравар кўп микдорда жаримага тортишга сабаб бўлади. Ваҳолонки, нодавлат нотижорат ташкилотларида моддий ресурслар чекланган бўлиб, улар таъсисчи ҳамда аъзолар

ташкилотлари уйлари”ни ташкил қилиш, мазкур биноларга нодавлат нотижорат ташкилотларини ижара тўловининг “ноль” ставкасини қўлланган ҳолда жойлаштириш топширилди.

Фармон нодавлат нотижорат ташкилотларининг ҳуқуқ ҳамда қонуний манфаатларини таъминлашда маҳаллий вакиллик органларининг ролини оширишга қаратилганлиги билан ҳам алоҳида аҳамият касб этади. Жумла-

дан, Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар, туманлар (шаҳарлар) Кенгашларида нодавлат нотижорат ташкилотлари ҳамда фуқаролик жамиятининг бошқа институтлари масалалари бўйича доимий фаолият йuritувчи комиссияларни ташкил қилиш, нодавлат нотижорат ташкилотлари фаолиятини ривожлантиришга, уларнинг ҳуқуқлари ва қонуний манфаатларини муҳофаза этишни таъминлашга доир масалалар юзасидан маҳаллий давлат ҳокимияти органлари раҳбарларининг эшитувларини ташкил қилиш тақлифи илгари сурилди.

Ушбу ҳужжатда нодавлат нотижорат ташкилотлари вакиллари билан мамлакат ривожини қўллаб-қувватлаш ҳиссасини эътироф этиш, уларнинг бундай саъй-ҳаракатларини рағбатлантириш назарда тутилди. Жумладан, “Фуқаролик жамиятини ривожлантиришга қўшган ҳиссаси учун” кўкрак нишонни таъсис қилиниб, у мамлакатда нодавлат нотижорат секторини ривожлантиришга муносиб ҳисса қўшган жамоат тузилмалари вакиллари ҳамда ташаббускор фуқароларга фуқаролик жамиятини шакллантириш ва ривожлантиришга катта таъсир кўрсатган ишлари ҳамда ютуқлари учун топширилади.

Умуман олганда, мазкур ҳужжат нодавлат нотижорат ташкилотлари фаолиятининг кафолатларини янада мустаҳкамлаш баробарида, уларни иқтисодий ва ижтимоий жиҳатдан ҳам қўллаб-қувватлайди. Айни чоғда муҳим давлат қарорларини қабул қилишда фуқаролик жамияти институтларининг роли ҳамда таъсирини кучайтиради.

Жаҳонгир ШИРИНОВ,
Ўзбекистон Республикаси Олий Мажлиси Қонуний палатаси депутати.

Иқтидорли ёшларимизнинг яна бир муваффақияти

Жорий йил 23 — 29 апрель кунлари Беларуснинг Минск шаҳрида кимё фани бўйича ўтказилган 52-халқаро Менделеев олимпиадасида иқтидорли ёшларимизнинг яна бир муваффақиятига гувоҳ бўлдик. 22 давлатдан 130 дан ортиқ ўқувчилар қатнашган мазкур нуфузли олимпиадада фарзандларимиз иккита кумуш, тўртта бронза — жами олтинта медални қўлга киритди.

ИФТИХОР

Уларнинг бу натижаси Марказий Осиёдан иштирок этган мамлакатлар жамоа-

лари орасида энг яхшисидир. Айтиш жоизки, иккита назарий ва битта амалий

босқичдан иборат ушбу олимпиадада МДХ, Болтиқ-бўйи ҳамда Жануби-Шарқий

Европа давлатлари, шунингдек, Саудия Арабистони ва исроиллик ёшлар ўз билим-



ларини синовдан ўтказишди.

— Тиббиёт, математика, астрономия каби соҳалар ривожига тамал тошини қўйган Абу Али ибн Сино, Мухаммад Хоразмий, Абу Райхон Беруний, Аҳмад Фарғоний, Мирзо Улуғбек сингари улуг аждодларимиз билан доимо ҳақдорлигимиз юрამиз, — дейди кимё фани бўйича ўтказилган 52-халқаро Менделеев олимпиадаси совриндори, Тошкент педиятрия тиббиёт институтининг Юнусобод академик лицейи ўқувчиси Дилдора Ҳакимбоева. — Қалбимиздаги гурур ва ифтихор туйғуси бизни уларга муносиб бўлиш учун интилишга куч-ғайрат бермоқда. Олимпиадада қайд этган натижамиз бунинг ифодаси бўлди.

Д. Йўлдошев.

БИЗ ва ЖАҲОН



Парижда Ўзбекистон китобларининг тақдимоти

Аввал хабар қилганимиздек, шу кунларда

Ўзбекистондаги Ислom цивилизацияси маркази, Имом Бухорий халқаро илмий-тадқиқот маркази ва Ўзбекистон халқаро ислом академияси вакилларида иборат делегация Францияда бўлиб турибди. Мақсад хорижликларни Ўзбекистонда амалга оширилаётган кенг қўламли ислохотлар билан таништиришдир. Ана шу эзгуликка қаратилган тадбирлардан бири Франциянинг тиллар ва цивилизация кутубхонасида бўлиб ўтди.

Ушбу кутубхона Марказий Осиё манбалари бўлимига эга бўлган мамлакатдаги яғона маданий муассаса ҳисобланади. Унда дунёнинг 180 та давлатидан келтирилган 350 тилдаги нодир китоблар, қўлёзмалар, илмий тадқиқот ишлари сақланади. Кутубхона

раҳбари Бенжамин Гишарнинг сўзларига кўра, сўнгги йилларда Европада Марказий Осиё минтақасига бўлган қизиқиш ортиб бормоқда.

Кутубхонада Имом Бухорий халқаро илмий-тадқиқот марказида нашр этилган 15 та китобнинг тақдимоти бўлиб ўтди. “Марказий

Осиё мамлакатлари ичида Ўзбекистон ўзининг илмий салоҳияти, фан ва таълимга эътибори билан ажралиб туради. Мовароуннаҳр уламо-лари асарлари, хусусан, Имом Бухорийнинг “Саҳихи Бухорий” китоби, Ибн Синонинг “Тиб қонунлари”, Мирзо Улуғбекнинг “Зижи жадиди Кўрагоний”, Маҳмуд Замахшарийнинг “Муқаддamat ул-адаб” асари қўлёзма-лари фондимиизнинг чин маънодаги хазинаси ҳисобланади. Биз ушбу асарларни ўрганишда ўзбекистонлик мутахассислар билан ҳамкорлик қилишдан манфаатдормиз”, дейди Бенжамин Гишар.

«Жаҳолатга қарши маърифат»

Учрашувлар доирасида Ўзбекистоннинг Париждаги элчихонасида “Жаҳолатга қарши маърифат” мавзuida давра суҳбати бўлиб ўтди. Унда Франция Миллий Ассамблеяси, Ташқи ишлар вазирлиги, Миллий тадқиқотлар маркази, Франция миллий кутубхонаси, Шарқ тиллари ва маданияти институти ҳамда бошқа нуфузли давлат ташкилотлари ходимлари, халқаро экспертлар ва мутахассислар, етакчи шарқшунос ҳамда исломшунос олимлар иштирок этди.



Давра суҳбати қатнашчиларига Ўзбекистонда диний-маърифий соҳада амалга оширилаётган кенг қўламли ислохотлар, қабул қилинаётган Фармон ва қарорларнинг мазмун-моҳияти, мамлаката-

мизнинг халқаро миқёсдаги ташаббуслари, жумладан, давлатимиз раҳбари томонидан БМТ Бош Ассамблеясининг 72-сессиясида илгари сурилган тақлифлар ҳақида маълумот берилди.

Алломалар меросига эҳтиром

Ташриф давомида Франция мусулмонлари кенгашида ҳам учрашув бўлиб ўтди. Унда Имом Бухорий, Имом Термизий, Баҳоуддин Нақшбанд, Ибн Сино каби буюк аллома аждодларимиз хоки ётган қадам-жаҳонни обод этиш, илм-маърифат ва одоб-ахлоққа қажирувчи табарруқ асарларини таржима қилиш соҳасидаги ишлар ҳақида сўз борди.

Кенгаш аъзоларининг қайд этишича, Ўзбекистон Президенти ташаббуси билан ташкил қилинган Ислom цивилизацияси маркази, Имом Бухорий халқаро илмий-тадқиқот маркази ҳамда Ўзбекистон халқаро ислом академияси каби янги муассасалар муқаддас ислом дини номидан турли

бузғунчилик ва қўпоровчиликлар содир этилаётган бугунги мураккаб бир даврда нафақат ўзбек халқи, балки бутун дунё мусулмон уммати учун катта фойда келтиради.

“Ўзини мусулмонман деган киши борки, Имом Бухорийни ҳурмат қилади. Демак, Бухорий юрти бўлмиш Ўзбекистонга юксак эътибор кўрсатади.

Имом Бухорий, Имом Термизий, Имом Замахшарий, Имом Доримий, Баҳоуддин Нақшбанд, Имом Насафий, Абу Лайс Самарқандий, Бурхониддин Марғиноний каби буюк алломалар бутун инсониятнинг фахридир”, дейди Комор ва Фарбий Африка мусулмонлари федерацияси бош котиби Ассани Фассаси.

Иштирокчилар Ўзбекистонни зиярат этиш, улуг аждодларимиз меросига бағишланган халқаро конференцияларда қатнашиш истигида эканини билдирдилар.

М. ЎРОҚОВ тайёрлади.

Хабар

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ ҚЎМИТАЛАРИ ВА ИДОРАЛАР ТОМОНИДАН ҚАБУЛ ҚИЛИНГАН НОРМАТИВ-ҲУҚУҚИЙ ҲУЖЖАТЛАРНИ ДАВЛАТ РЎЙХАТИДАН ЎТКАЗИШ ҲОЛАТИ ТЎҒРИСИДА 2018 ЙИЛ 31 МАРТДАН 6 АПРЕЛГАЧА БЎЛГАН МАЪЛУМОТНИ ХАБАР ҚИЛАДИ.

I. Давлат рўйхатидан ўтказилди:

- Ўзбекистон Республикаси Марказий банки Бошқаруvinинг 2018 йил 17 мартдаги 9/3-сон “Тижорат банклари томонидан банк кафолатларини бериш тартиби тўғрисидаги низомига ўзгартиришлар киритиш ҳақида”ги қарори.
- 2018 йил 3 апрелда рўйхатдан ўтказилди, рўйхат рақами 2364-3 (2018 йил 3 апрелдан қучга кирди).
- Ўзбекистон Республикаси Марказий банки Бошқаруvinинг 2018 йил 17 мартдаги 9/8-сон “Тижорат банкларининг ички аудитига Марказий банк томонидан қўйиладиган талаблар тўғрисидаги низомининг 42-бандига ўзгартириш киритиш ҳақида”-ги қарори.
- 2018 йил 3 апрелда рўйхатдан ўтказилди, рўйхат рақами 992-4 (2018 йил 3 апрелдан қучга кирди).
- Ўзбекистон Республикаси Марказий банки Бошқаруvinинг 2018 йил 17 мартдаги 9/9-сон “Бир қарз олувчи ёки бири-бирига дахлдор қарз олувчилар гуруҳи учун таваккалчиликнинг энг кўп микдорлари тўғрисидаги низомига ўзгартиришлар киритиш ҳақида”ги қарори.
- 2018 йил 3 апрелда рўйхатдан ўтказилди, рўйхат рақами 2707-2 (2018 йил 3 апрелдан қучга кирди).
- Ўзбекистон Республикаси солиқни саклаш вазирининг 2018 йил 27 мартдаги 17-сон “Дори воситаларини ва тиббий буюмларни тайёрлаш, саклаш, уларнинг сифатини назорат қилиш ҳамда уларни расмийлаштириш тартиби тўғрисидаги низоми тасдиқлаш ҳақида”ги буйруғи.
- 2018 йил 3 апрелда рўйхатдан ўтказилди, рўйхат рақами 2990 (2018 йил 4 июлдан қучга кирди).
- Электр энергетикада назорат бўйича давлат инспекцияси, Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекциясининг 2018 йил 29 мартдаги 5, 7-сон “Қўланиладиган технологиялар ва асбоб-ускуналарнинг энергия жиҳатдан самарадорлиқ кўрсаткичларига мувофиқлиги, шунингдек ёқилғининг муқobil турларидан фойдаланиш тўғрисида ҳулосалар бериш тартиби тўғрисидаги низоми тасдиқлаш ҳақида”ги қарори.

2018 йил 3 апрелда рўйхатдан ўтказилди, рўйхат рақами 2991 (2018 йил 3 апрелдан қучга кирди).

6. Ўзбекистон Республикаси Соғлиқни саклаш вазирлиги, Молия вазирлигининг 2018 йил 7 мартдаги 12, 56-сон “Мухтож шахсларни протез-ортопедия буюмлари, реабилитация техник воситалари ва кресло-аравачалар билан таъминлаш тартиби тўғрисидаги низомига ўзгартириш ва қўшимчалар киритиш ҳақида”ги қарори.

2018 йил 3 апрелда рўйхатдан ўтказилди, рўйхат рақами 2801-1 (2018 йил 4 апрелдан қучга кирди).

7. Ўзбекистон Республикаси Марказий банки Бошқаруvinинг 2018 йил 23 мартдаги 10/9-сон “Юридик шахслар томонидан миллий валютاداги корпоратив банк карталаридан фойдаланиш тартиби тўғрисидаги низомига ўзгартиришлар киритиш ҳақида”ги қарори.

2018 йил 3 апрелда рўйхатдан ўтказилди, рўйхат рақами 1470-2 (2018 йил 4 апрелдан қучга кирди).

8. Ўзбекистон Республикаси Олий ва ўрта махсус таълим вазирлиги, Олий ва ўрта махсус таълим вазирлигининг Касб-хунар таълими маркази, Халқ таълими вазирлиги, Бандлик ва меҳнат муносабатлари вазирлиги, Иқтисодий вазирлиги, Молия вазирлигининг 2018 йил 16 мартдаги 6-2018, 3/ққ, 2-мж, 9-қ/қ, 10, 65-сон “Таълим муассасалари ва корхоналар ўртасидаги шериклик муносабатлари тўғрисидаги низоми тасдиқлаш ҳақида”-ги қарор, шунингдек унга ўзгартиришни ўз кучини йўқотган деб топиш тўғрисида”ги қарори.

2018 йил 3 апрелда рўйхатдан ўтказилди, рўйхат рақами 1832-2 (2018 йил 4 апрелдан қучга кирди).

9. Ўзбекистон Республикаси Марказий банки Бошқаруvinинг 2018 йил 24 февралдаги 7/7-сон “Микрокредит ташкилотларида бухгалтерия ҳисоби ҳисобварақлар режасига ўзгартириш ва қўшимчалар киритиш ҳақида”ги қарори.

2018 йил 5 апрелда рўйхатдан ўтказилди, рўйхат рақами 1639-2 (2018 йил 5 апрелдан қучга кирди).

10. Ўзбекистон Республикаси Олий ва ўрта махсус таълим вазирлиги, Молия вазирлигининг 2018 йил 27 февралдаги 2-2018, 40-сон “Олий таълим муассаса-

ларининг бюджетдан ташқари маблағлари (тўлов-контракт асосида ўқитиш учун тушулмларнинг фақат тўлов-контракт микдорининг оширилган қисми) ҳисобидан академик лицейлар учун ўқув-лаборатория асбоб-ускуналари, сарфлаш материаллари, компьютер техникаси, дарсликлар ва ўқув қўлланмалари сотиб олиш ҳамда академик лицейларнинг ўқитувчи ва ўқувчиларини моддий қўллаб-қувватлаш тартиби тўғрисидаги низоми тасдиқлаш ҳақида”ги қарори.

2018 йил 5 апрелда рўйхатдан ўтказилди, рўйхат рақами 2992 (2018 йил 5 апрелдан қучга кирди).

11. Ўзбекистон Республикаси Олий ва ўрта махсус таълим вазирлиги, Молия вазирлигининг 2018 йил 27 февралдаги 3-2018, 33-сон “Академик лицейларда имтиёзли оқватлантиришни ташкил қилиш ҳамда харажатларини қисман қоплаш учун ота-оналар тўловини тўлаш тартиби тўғрисидаги низоми тасдиқлаш ҳақида”ги қарори.

2018 йил 5 апрелда рўйхатдан ўтказилди, рўйхат рақами 2993 (2018 йил 6 июлдан қучга кирди).

12. Ўзбекистон Республикаси Молия вазирлиги, Давлат солиқ қўмитаси, Иқтисодий вазирлигининг 2018 йил 16 мартдаги 64, 2018-24, 9-сон “Янги ташкил этилган микрофирма ва кичик корхоналарга яғона солиқ тўловини тўлаш мudda-тини кечиктириш ҳуқуқини бериш тартиби тўғрисидаги низоми тасдиқлаш ҳақида”ги қарорга ўзгартиришлар киритиш тўғрисида”ги қарори.

2018 йил 5 апрелда рўйхатдан ўтказилди, рўйхат рақами 1502-3 (2018 йил 5 апрелдан қучга кирди).

13. Ўзбекистон Республикаси Марказий банки Бошқаруvinинг 2018 йил 17 мартдаги 9/4-сон “Ломбардлар томонидан ҳисоботлар тақдим этиш тартиби тўғрисидаги низоми тасдиқлаш ҳақида”-ги қарор, шунингдек унга ўзгартиришларни ўз кучини йўқотган деб топиш тўғрисида”ги қарори.

2018 йил 5 апрелда рўйхатдан ўтказилди, рўйхат рақами 1289-2 (2018 йил 6 июлдан қучга кирди).

14. Ўзбекистон Республикаси Марказий банки Бошқаруvinинг 2018 йил 17 мартдаги 9/5-сон “Микрокредит таш-

килотлари томонидан Ўзбекистон Республикаси Марказий банкига молиявий ҳисоботларни ва электрон маълумотларни тақдим этиш тартиби тўғрисидаги низоми тасдиқлаш ҳақида”ги қарор, шунингдек унга ўзгартиришларни ўз кучини йўқотган деб топиш тўғрисида”ги қарори.

2018 йил 5 апрелда рўйхатдан ўтказилди, рўйхат рақами 2322-2 (2018 йил 6 июлдан қучга кирди).

15. Ўзбекистон Республикаси Марказий банки Бошқаруvinинг 2018 йил 17 мартдаги 9/6-сон “Микрокредит ташкилотлари ва ломбардлар томонидан Ўзбекистон Республикаси Марказий банкига молиявий ҳисоботлар ва электрон маълумотларни тақдим этиш тартиби тўғрисидаги низоми тасдиқлаш ҳақида”-ги қарори.

2018 йил 5 апрелда рўйхатдан ўтказилди, рўйхат рақами 2994 (2018 йил 6 июлдан қучга кирди).

16. Ўзбекистон Республикаси Марказий банки Бошқаруvinинг 2018 йил 3 февралдаги 4/2-сон “Банкларнинг депозит (омонат) сертификатларини чиқариш ва муомалада бўлиш тартиби тўғрисидаги низомига ўзгартиришлар киритиш ҳақида”-ги қарори.

2018 йил 5 апрелда рўйхатдан ўтказилди, рўйхат рақами 1859-4 (2018 йил 5 апрелдан қучга кирди).

17. Ўзбекистон Республикаси Молия вазирлиги, Давлат солиқ қўмитасининг 2018 йил 29 мартдаги 67, 2018-68-сон “Газ экспорти ва транзитидан тушадиган валюта тушулмларини сотишдан олинadиган маблағларни тақсимлаш ҳақидаги низоми тасдиқлаш тўғрисида”ги қарорни ўз кучини йўқотган деб топиш ҳақида”ги қарори.

2018 йил 5 апрелда рўйхатдан ўтказилди, рўйхат рақами 1935-1 (2018 йил 5 апрелдан қучга кирди).

18. Ўзбекистон Республикаси Молия вазирлиги, Давлат солиқ қўмитасининг 2018 йил 29 мартдаги 68, 2018-31-сон “Ўзбекнефтегаз” МХК корхоналари ва ташкилотлари ҳисобварақларидан тўловларни амалга ошириш ва уларга Ўзбекистон “Ўзкомунхизмат” агентлигининг худудий газ таъминоти корхоналаридан тушадиган тўловлари тўғрисидаги низо-

II. Давлат реестридан чиқарилди:

1. Ўзбекистон Республикаси Олий ва ўрта махсус таълим вазирлиги, Олий ва ўрта махсус таълим вазирлигининг Ўрта

махсус, касб-хунар таълими маркази, Халқ таълими вазирлиги, Меҳнат ва аҳолини ижтимоий муҳофаза қилиш вазирлиги, Иқтисодий вазирлиги, Молия вазирлигининг “Таълим муассасалари ва корхоналар ўртасидаги шериклик муносабатлари тўғрисидаги низоми тасдиқлаш ҳақида”-ги қарори (рўйхат рақами 1832, 2008 йил 4 июль), шунингдек унга ўзгартириш (рўйхат рақами 1832-1, 2010 йил 2 июнь).

Адлия вазирининг 2018 йил 3 апрелдаги 200-мж-сон буйруғига асосан давлат реестридан чиқарилди.

2. Ўзбекистон Республикаси Молия вазирлиги, Давлат солиқ қўмитасининг “Газ экспорти ва транзитидан тушадиган валюта тушулмларини сотишдан олинadиган маблағларни тақсимлаш ҳақидаги низоми тасдиқлаш тўғрисида”ги қарори (рўйхат рақами 1935, 2009 йил 6 апрель).

Адлия вазирининг 2018 йил 5 апрелдаги 209-мж-сон буйруғига асосан давлат реестридан чиқарилди.

3. Ўзбекистон Республикаси Молия вазирлиги, Давлат солиқ қўмитасининг “Ўзбекнефтегаз” МХК корхоналари ва ташкилотлари ҳисобварақларидан тўловларни амалга ошириш ва уларга Ўзбекистон “Ўзкомунхизмат” агентлигининг худудий газ таъминоти корхоналаридан тушадиган тўловлари тўғрисидаги низоми тасдиқлаш ҳақида”ги қарори (рўйхат рақами 1441, 2005 йил 14 январь).

Адлия вазиринин

БУГУНГИ КУНЛАРГА ЕТИШНИНГ ЎЗИ БЎЛМАГАН

Тинчликни асраш — муқаддас бурч

Уруш майдонларида жасорат кўрсатган, юртимиз тинчлиги ва озодлиги, оиласи, фарзандларининг хотиржамлиги учун курашган инсонларни қанча эъзозласак, шунча кам.



тўрт фарзандни тарбиялаб, ўқитди. Эл қорига ярайдиган, фидойи инсонлар сафига қўшди. Бугун маҳаллада бу оилани каттаю кичик алоҳида ҳурмат қилади. Отаҳон ва онахонни йўқлашга, уларнинг суҳбатидан баҳраманд бўлишга, дуосини олишга интилади.

Ҳамид ота набираю эвараларини ёнига чақириб, ўзининг ҳаёт йўли, уруш даври қийинчиликларини ҳақида ҳикоя қилади. Бугунги осойишта ҳаётнинг бебаҳо бойлиги, энг катта бахт эканлигини таъкидлашдан чарчамайди.

— Юрт озодлиги йўлида қанчадан-қанча сафдошларимиз жон фидо қилди, — дейди нуроний. — Энди истиқлол аталмиш улғу неъматни, бугунги тинч-тотув ҳаётни кўз қорачигидек асраш ҳар биримизнинг муқаддас бурчимиздир.

Бу — умр баҳори жангу жадалларда ўтган, тинчлик ва авлодлар бахту қўли учун машаққатли йўлни мардона босиб ўтган тўқсон тўрт ёшли инсоннинг чиқарган яқдил ҳулосаси, эртанги кунимиз эгаларига бераётган ўғити.

Дилшод КАРИМОВ,
«Халқ сўзи» мухбири.

Ҳасан ПАЙДОЕВ олган сурат.

Иккинчи жаҳон уруши қатнашчиси, Шаҳрисабз туманидаги Шанбе қишлоғида яшаётган 98 ёшли Ғаффор бобо Сатторов ўша оғир даврни ёдга олганда жанггоҳларда ёш умри хазон бўлган сафдошлари кўз олдига келади. Нигоҳлари маъюс тортади.



Жошид НОҚОБИЛОВ (ЎзА) олган сурат.

Осуда ҳаётни орзу қилганмиз

Уларни эслаш, бугунги бахтли кунларимиз учун жонини фидо этган дўстлари ҳақида дуолар қилиш бобонинг доимий одатига айланган. Отаҳон қўлларини дуога очар экан, мана шундай ёруғ кунларга етказгани учун шукроналар айтади.

— Бугунги бахтли кунларга етишнинг ўзи бўлмаган, — дейди бобо. — Уруш йиллари жанггоҳларда юриб, тинчликнинг нақадар бебаҳо неъмат эканлигини ич-ичимиздан ҳис этганмиз. Фарзандларимизнинг ҳозиргидек бекаму кўст, қайғу кўрмасдан яшашини орзу қилганмиз.

Ғаффор бобо ана шундай ният билан саккиз фарзандни тарбиялади. Бугун юздан ортиқ невар ва эваралари даврасида шодон умргузаронлик қилмоқда. Юртимизда кексаларга, уруш қатнашчиларига кўрсатилаётган эътибордан гоёт мамнун.

Яқинда Ғаффор Сатторов хонадонини учун катта байрам бўлди. Давлат ва жамоат ташкилотлари вакиллари, фахрийлар ҳамда ёшлар иштирокида Ўзбекистон Республикаси Президентининг 2018 йил 16 апрелдаги «Иккинчи жаҳон уруши қатнашчиларини рағбатлантириш тўғриси-

да»ги Фармони асосан, уруш фахрийсига Юртбошимиз имзо чеккан табрик хати, тилла соат ва беш миллион сўм миқдорда пул мукофоти топширилди. Бундан ташқари, ўзи жанг қилган мамлакатларга давлат ҳисобидан бориши, хориждаги санаторийларда дам олиши мумкинлиги бобига эслатилди. Бундай эъзоз ва эътибордан бутун оиланинг кўнгли тоғдек кўтарилди. Диллар ҳамда қўллар дуога очилди...

Аҳад МУҲАММАДИЕВ,
«Халқ сўзи» мухбири.

...Ўшанда қирғинбарот уруш тугаганига эндигина тўрт йил бўлган, айни баҳор, жийда қийғос гуллаган палла эди. Қишлоқ йўлида аскар кийимида келаётган норғул йигитни кўрган одамлар шоша-пиша унга пешвоз чиқдилар. Бутун қишлоқ йиғлади. Бу етти йиллик айрилиқ, соғинч, севинч, дийдорлашув ёшлари эди.

Бебаҳо неъмат шукронаси

— 1942 йилда урушга кетганман, — дея чуқур хўрсиниш билан эслайди ўша оғир давларни Назар ота Шеров. — Украина, Польшани фашистлардан озод қилиш учун жангларда қатнашдим. Уруш даҳшатлари, бир бурда нонга зор етим болалар, хувиллаб қолган шаҳару қишлоқлар ҳали-ҳануз кўз ўнгимда. Уруш туфайли етти йил юртимиздан узоқда бўлдим. Ғалабадан сўнг ҳам давр тақозосига кўра, ҳарбий хизматни давом эттиришимга тўғри келди.

Отаҳоннинг ҳовлисида Пешку туманидаги 11-умумтаълим мактаби бир ғуруҳ ўқувчиларининг кириб келиши боис суҳбатимиз хийла ортга сурилди. Ўғил-қизлар нуронийга гуллар тақдим қилишди. Ўз навбатида, уруш қатнашчиси бошидан кечирган воқеаларни сўзлаб, бугунги тинч-осойишта кунларнинг қадрига етиш кераклигини уқтирди.

— Тинчлик, нон, она-юрт кадр-қимматини ҳеч нарса билан ўлчаб бўлмайди, — дея

суҳбатни давом эттирди Назар ота. — Қаранг, юртимиз тинч, бозорларимизда файзу барақа. Ҳозир 94 ёшдаман. Асл касбим ўқитувчилик. Мактабда қирқ йил жисмоний тарбиядан сабоқ берганман. Эслагинг ҳам келмайди кишининг: бир пайтлар спорт залларини кўя туринг, оддий копток ҳам анқонинг уруғи эди. Бугун ёшларимиз ҳавас қилса арзигулик спорт мажмуаларида машғул ўтказишгаётганини кўриб, «Ажойиб замонлар бўлди-да», деб қўяман. Айтмоқчи, биз яшаб турган Талисубун қишлоғи «Обод қишлоқ» дастури асосида янги қиёфа касб этапти.

Назар отани барча пиру бадавлат инсон, деб билади. Юздан зиёд неварою эваралар ардоғида. Ўтган йили давлатимиз раҳбари томонидан яратилган имтиёздан фойдаланиб, «Дамас»ли бўлди. Бу йил эса Президентимизнинг миннатдорлик хати, тилла соат ва пул мукофоти қалбини қувонгча тўлдирди.

Истам ИБРОҲИМОВ,
«Халқ сўзи» мухбири.

QISHLOQQURILISHBANK

жамоаси
юртдошларимизни

9 май —
Хотира ва Қадрлаш кuni

қуicumхалқ байрами билан
самимий табриклайди!

Хотира — муқаддас,
инсон қадри — азиз!

Ватанимиздаги тинчлик,
эркинлик ва фаровонлик
бардавом бўлсин!

9 май

Хизматлар лицензияланган.

TURON BANK

9 май —
Хотира ва
Қадрлаш кuni

Бугунги тинч ва осойишта кунлар учун жонини
фидо қилган аجدодларнинг хотирасини
ёд этиш, сафимиздаги кексаларни эъзозлаш —
бизнинг муқаддас вазифамиз!

www.turonbank.uz
Хизматлар лицензияланган.

Халқ сўзи
Народное слово

МУАССИСЛАР:
Ўзбекистон Республикаси Олий Мажлиси
Қонунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан
руйхатга олинган. Нашр индекси — 229. Буюртма Г — 545. 112 922 нусхада босилди,
ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Гизматимиз ҳақидаги маълумотларни юзлаб олиш учун QR-коднинг телефонингиз орқали сканер қилинг:

ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Ўзлонлар (0-371) 232-11-15.

Тахриратта келган кўлаёмалар тақриз қилинмайди ва
муаллифга қайтарилмайди.

Газетанинг сўзлаб берилиши учун обунани
расмийлаштирган ташкилот жаобгар.

Газета тахриратта компьютер тармакда терилди ҳамда оператор
Ж. Тоғояв томонидан саҳифаланди.

Газетанинг полиграфик жиҳатдан сифатли чоп этилишига
«Шарқ» нашриёт-матбаа акциядорлик компанияси масъул.
Босмахона телефони: (0-371) 233-11-07.

• **МАНЗИЛИМИЗ:**
100000,
Тошкент шаҳри,
Матбуотчилар кўчаси, 32-йў.
Навбатчи муҳаррир — М. Жонихонов.
Навбатчи — Ю. Бўронов.
Мусаҳҳих — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ЎЗА якуни — 19.30 Топширилди — 21.25 1 2 3 4 5 6